



Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministarstvo saobraćaja Kantona Sarajevo

PREDMET: Inicijativa

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu. upućujem inicijativu za **izmjenu Odluke o cijenama korištenja javnih površina** (br. 02-05-22845-5/19 od 14.06.2019. godine) na način da se:

1. Član VII Odluke o cijenama korištenja javnih površina mijenja se i glasi:

Cijena parking karte za parkiranje putničkih vozila stanara/fizička lica sa prebivalištem u ulicama u kojima se naplaćuje parkiranje po zonama iznosi:

ZONA	MJESEČNA NAKNADA	POLUGODIŠNJA (-10%)	GODIŠNJA (-15%)
"I" ZONA	25,00	135,00	255,00
"II" ZONA	12,00	65,00	122,00
"III" ZONA	6,00	32,00	61,00

Parking karta važi samo za ulične parkinge i ne može se kupiti za parkirališta koja su pod rampom, osim ako parkiralište pod rampom nije posebno definisano rješenjem Ministarstva za takvo korištenje.

2. Član XIV Odluke o cijenama korištenja javnih površina mijenja se i glasi:

(1) Cijena za rezervaciju jednog parking mjesta za pravna lica po zonama iznosi:

ZONA	MJESEČNA NAKNADA	POLUGODIŠNJA (-10%)	GODIŠNJA (-15%)
"I" ZONA	650,00	3510,00	6.630,00
"II" ZONA	270,00	1500,00	2.900,00
"III" ZONA i ulice koje nisu navedene u Odluci o zonama	140,00	750,00	1430,00

(2) Cijena za rezervaciju jednog parking mjesta za fizička lica po zonama iznosi:

ZONA	MJESEČNA NAKNADA	POLUGODIŠNJA (-10%)	GODIŠNJA (-15%)
“I” ZONA	500,00	2.700,00	5.100,00
“II” ZONA	250,00	1.350,00	2.550,00
“III” ZONA i ulice koje nisu navedene u Odluci o zonama	125,00	675,00	1.275,00

Rezervaciju moguće izvršiti samo na uličnim parkiralištima i ostalim površinama u skladu sa zakonskim normama. Rezervacija se ne može izvršiti na parkiralištima koja su pod rampom.

O b r a z l o ž e n j e

Uporednim istraživanjem povlaštenih (fizička lica sa prebivalištem ili boravištem na području gdje se naplaćuje parkiranje) cijena parking karata u regionu i šire došao sam do saznanja da građani u Kantonu Sarajevu plaćaju višestruko više „povlaštene“ parking karte nego u drugim gradovima. Prema aktuelnoj Odluci o cijenama korištenja javnih parkinga za „I“ zonu na godišnjem nivou to iznosi 660,00 KM dok primjerice u Zagrebu na godišnjem nivou iznosi 300,00 KM, Beču 234,00 KM, Beogradu 91,00 KM ili u Pragu 88,00 KM¹. Paralelno sa smanjenjem cijena parking karata predlažem da se uvedu „polugodišnje“ i „godišnje“ karte s kojim bi se: a) rasteretio kapacitet pružaoca usluge, jer ne bi svaki mjesec izdavao karte b) fizička lica ne bi morala svaki mjesec da kupuju karte c) povećao bi se iznos naplaćenih parking karata.

Prijedlog izmijene člana XIV Odluke o cijenama korištenja javnih parkinga odnosi se na diferencijaciju cijena rezervacije parking mjesta, s obzirom da je u aktuelnoj Odluci ista cijena za pravna i fizička lica. Smatram da pravna lica ne mogu imati istu cijenu kao fizička lica te sam u tom smjeru predložio izmjenu. Paralelno sa diferencijacijom cijena rezervacije parking mjesta predlažem da se uvedu „polugodišnje“ i „godišnje“ karte s kojim bi se: a) rasteretio kapacitet pružaoca usluge, jer ne bi svaki mjesec izdavao karte b) fizička lica ne bi morala svaki mjesec da kupuju karte c) povećao bi se iznos naplaćenih parking karata.

S poštom

Sarajevo, 28.12.2022.

Nihad Uk
zastupnik Naše stranke u Skupštini Kantona Sarajevo

□

¹ 2020. godina